



Inatsisartunut ilaasortaq,
Aqqaluaq B. Egede, Inuit Ataqtigiit
Maani/

§ 37 naapertorlugu apeqquteqaammut nr. 345-imut akissut

Ulloq : 21-11-2019
Suliap normua: 2019 - 24669
All. nr.: 12100996

Inatsisartut suleriaasianni § 37, imm. 1 malillugu qalerallit pillugit Naalakkersuisunut apeqqutinik saqqummiussa qarputit. Apeqqutit suliassa qarfigisannit akineqartussanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

- 1. Qeqertarsuup Tunuani massakut aalisartut akuersissutaatillit amerlassusaat tunngavigalugu qalerallit milliartortut Naalakkersuisut oqaatigaat, imaappa akuersissutaatillit ikilisarneqanngippata qalerallit milliartuinnaassat Naalakkersuisut isumagigaat?**

Akissut: Aalisartut akuersissutaatillit amerlassusaat pissutigalugu Qeqertarsuup Tunuani qalerallit mikinerulersimasut Naalakkersuisut nalunaaruteqarnikuunngillat. Aalisartut maannakut akuersissuteqarfigineqarsimasut taamatut amerlassuseqartillugit aalisartunut ataasiakkaanut inuiaqatigiinnullumi imminut akilersinnaasumik aalisarnissat ajornakusoornerulissasoq paasisutissat kingullit ilimanarsisippaat. Taamaattumik ilaatigut Qeqertarsuup Tunuani akuersissutit amerliartornerat Naalakkersuisut unitsinniarpaat.

- 2. Akissut 1-imut akissut naggaappaat; imak paasisariaqarpa, Qeqertarsuup tunuani aalisartut massakut amerlatigiinnarpata qalerallit milliartornatik piujuartitsinissamik siunertaq attanneqassasoq?**

Akissut: Apeqqut 1-imut akissut takuuk.

- 3. Naalakkersuisut aalajangiusimavaat inuussutissarsiutigalugu aalisartut ullumikkut amerlassuseqaannarlutik ukiuni tullerni aalisarsinnaassat?**

Akissut: Aalisartut amerlassusaasa ikilisinneqarnissaannik Naalakkersuisut pilersaaruteqanngillat, kisianni arlaleriarluni erseqqissarneqartutut akuersissutit nutaat amerliartornerat unitsinneqassaaq. Tamatuma saniatigut Qalera-

linniarneq pillugu nalunaarummik nutaamik Naalakkersuisut missingiuteqarput ilaatigut Kalaallit Nunaanni qaleralinniarnermi aqutsiveqarfiit allanngortinneqarnissaannik aamma pisassiissutitaqanngitsumik aalisartarfiit atorunnaarsinneqarnissaannik siunnersuuteqartumik. Tusarniaaneq qaangiuteriarpat suliamut Naalakkersuisut isummissapput.

4. **Naalakkersuisut aalajangiusimavaat saniatigooralugu aalisartut ullumikkut amerlassuseqaannarlutik ukiuni tullerni aalisarnissaminnik periarfissaqartuaannarnissaat?**

Akissut: Nammineq atugassanik aalisagaqatigiinnik tamanik kikkut tamarmik aalisarsinnaapput tamanna Naalakkersuisunut pingaaruteqartorujussuvoq erseqqissassallugu. Sinerissap qanittuani qaleralinniarnermi sunngifimmi aalisartunik tunisisoqarsinnaanngilaq, tamanna inuussutissarsiu-tigalugu aalisartunuinnaq atuuppoq.

5. **Naalakkersuisut isumaqarpat Qeqertarsuup tunuani aalisartut ullumikkut amerlassuseqaannarnissaat aalisagaqassutsimut innarliinngitsoq?**

Akissut: Apeqqut 1-imut akissut innersuunneqarpoq.

6. **Nunatsinni sinerissap qanittuani aalisarnermut akuersissutaatillit ukiumut akileraarutit ilanngaatigereerlugit 50.000 kr.-nit ataallugit isertitaqartartut qassiuppat?**

Akissut: Sinerissap qanittuani umiatsiaaqqanik aalisartut qaleralinniartut katillugit 203-t akileraaruseereerluni aningaasarsiaqarput 50.000 kr.-init ikinnerusunik. (2017 kisitsisit).


Aningaasarsiat tassaapput aalisartut akileraaruseereerluni isertitatigut angusaat. Inuussutissarsiutini allani sulisimassaguni aalisartup aningaasarsiai ilanngunneqanngillat.

7. **Nunatsinni sinerissap qanittuani aalisarnermut akuersissutaatillit akileraarutit ilanngaatigereerlugit 1 mio. kr.-nit sinnerlugit isertitaqartartut qassiuppat?**

Akissut: Sinerissap qanittuani umiatsiaaqqamik aalisarluni qaleralinniarnermi akileraaruseereerluni 1 mio. kr. sinnerlugu (2017 kisitsisit) aningasarsisoqarsimanngilaq. Aningaasarsiat tassaapput aalisartut

akileraaruseereerluni isertitatigut angusaat. Inuussutissarsiutini allani
sulisimassaguni aalisartup aningaasarsiai ilanngunneqanngillat.

Inussiarnersumik inuulluaqqusillunga

A handwritten signature in black ink, appearing to read 'Jens Immanuelson', written in a cursive style.

Jens Immanuelson

Aalisarnermut, Piniarnermut Nunalerinermullu Naalakkersuisoq